

ЛОВЪЯ ГИРА*

(фельетон)

Собрание вылө та мында йөз некор на эз чукөрмыв.

Талун кезлө вөлі юөртөма, кутасны пө бөрийыны... гираяс, да локталісны быдөн. Пөрысь йөз асывсянь быдөн шыльөдчисны-мольөдчисны да енлы муөдз юрбитісны, мед эськө ен милөсьтөн веськаласны - прөста олігмоз - гира туйын овны. Том йөз быдөн вөччөмөн локталісны, а нывбабаяс сьөрсьыныс став челядьсө тшөтш вайөдісны, оз-ө пө кутны посныд гираяс тшөтш пуктавы.

Комилес складлы гираяс колөм йылысь төдісны нин вежон кымын сайын став Висерыс. Төдөны вөлі - складын вески эм (важ купечлөн зэв ыджыд вески), а гира абу. Көсйылісны весиг вөр лэдзөмсө сы понда сувтөдны, да ладнө кладовщикыс «изобретательной» вөлөма: гөгөрвоас чугун гиратө мортөн вежны... Тайө «секретыс» калег йөзнад регыдөн паськаліс став Висер кузяыс. Лэдзөмаөсь вөлі тшөтш сёрни, «гираяслы» пө кутасны сетны ыджыд жалөванньө...

Собранньө вылын бөрийисны председательөс да секретарөс. Кладовщик висьталіс неыджыд речь.

- Öні мян быдлаын режим экономя, - шуө сійө. - Кор позьө вөдитчыны ловья гираөн, нинөмла и чугунсө лөсьөдны. Тайө лоө мян СССР масштабын, гашкө и всемирной масштабын, медводдза опыт. Сезоныс кө бура кольө, локтан

восянь став чугу́н гира́сö вежлалам ловъясöн да
правительстволысь ко́рам тайö изобре́тенньöсьыс патент.

- Унджык гира ко́лö пуктавы! - горöди́сны че́лядя
ны́вбабаяс.

Кладовщик бара висьта́ліс, тайö пö мян медводдза опы́т
на да, таво кежлö лоö ло́сьöдлыны со́мын öти ловъя гира.

Та бо́рын се́рнитісны, кыдзи бурджык гирапусö бо́рйыны.
Кодсюрö вöчисны предложе́нньö - вöчавны пудьяс.

- Пудйöн бо́рйыны оз по́зь,- протестуйтіс кладовщик.-
Лоö бо́рйыны весöн, мед эськö то́дны кутім «гиралысь»
сьöктасö, кымын кило кутас кыскыны. То, менам гираяссö
чукöртöма нин, - нндіс чу́ньнас да сэ́сся ко́мандуйтіс: - Вайö
сувталöй öчере́дьö!..

Öчере́дьысь медводдза мортыс весöн эз ло́сяв. Мöд
мортыс вöлі сулалö ны́вка. Кладовщик сэтчö падмис да бара
протестуйтіс:

- Нывбабаясöс гира туйын вöдитны оз по́зь: налöн
сьöктаыс зэв ёна вежласьö... Сьöктасны кө, менам зептö
инмас...

Сэки шыасис öти ко́ктöм морт:

-Вай инö менö, ко́ктöм мортöс, босьтöй. Тані ме на то́ ола.

- Инвалидьясöс босьтны оз жо́ по́зь! - горöди́с кладовщик.

- Миянлы ко́лö, мед вöлі полно́й механизация, мед гираыс
пытш ко́дь вöлі - ачыс лэтчö и кайö вески вылад. Инвалид

помсьыд кутшӧм механизация да рационализация вермас
лоны?..

Унаӧс веситӧм бӧрын лӧсялан морт сюрис. Роч Опоньлӧн
сьӧктаыс буретш лӧсяліс килограмм лыдӧ. Сэки став йӧзыс
видзӧдлісны Опонь вылӧ завидьпырысь, со пӧ мортыс
кутшӧм шуда вӧлӧма.

- Бӧрйыны бӧрйинныд, - шуис йӧзлы Опонь, - а
клеймитны ме ог сетчы. Кӧсьяанныд кӧ клеймитны, бӧрйӧй
вильӧс.

Кысь нин сэнӧ вильӧс бӧрйыны, муртса нин сюрис да.
Сідзи Роч Опонь тӧвбыд гира туйын и оліс. Первойсӧ йӧзлы
вӧлі зэв тешкодъ кажитчӧ, а сэсся велалісны да - нинӧм.
Бӧрынджык йӧзыс сюсьмисны да, кор Опоньыд шоныдджыка
пасьтасьӧма (паркаӧн либӧ тулупӧн), сэки и мунӧны складӧ
ньӧбасьны. Мукӧддырйи вӧлі вермасны вӧр лэдзӧмысь нянь
босьтны волены да. Опонь кӧ паськӧмсӧ мыйкӧ понда
пӧрччӧма, бӧр тыртӧгыс локтасны.

Ӧти тьӧтка вӧлӧм нывсӧ велӧдӧ:

- Тарыт, нылӧ, аддзӧдлы Роч Опоньтӧ да меліджыка
бергав, мед аски, ньӧбасигкежлад, топыдджыка пасьтасяс.

Бӧрас, велалісны да, килоӧн пыдди няньтӧ «Опонь»
лыдӧн и вӧлі ньӧбалӧны:

- Кымын «опонь» няньтӧ ньӧбин?

- Куим «опонь».

Тадзи Роч Опонь служитіс Комилеслы «гираё» төвбыд.
Кор шоньд паськёма, кор и дөрөм кежсьыс.

Режим экономия, рационализация да механизация -
полнй. Америкаын татшөм изобретенньöыс абу на.
Кладовщикыс «пустяки» жö абу судзсьöма - сöмын кыксё
шайт гөгөр.

1929

* Медводдзаысь печатайтöма 1929 воын "Ордым" журналын.